

春秋刑法義

春秋使師義

春秋刑法義

莊有可撰

執

晉侯執曹伯歸于京師

按治罪必始於執書曰盡執拘以歸于周一王憲禁之要也故雖方伯執有罪無敢不歸于京師也

晉人執衛侯歸之于京師

按此亦執歸京師也而執稱人歸于加之則義異矣

晉人執戎蠻子赤歸于楚

按并前執歸共三餘已詳歸

冬晉人執虞公

按此以執見國滅也義不止於執文從略耳故獨書時

晉人執鄭伯

按此與虞公相似然鄭本晉楚西屬故下書伐鄭與他執又異

晉人執邾子

按并前執共三公伯子各一也惟虞公書時

春王三月宋人執滕子嬰齊

按滕子名與戎蠻子同加書王月則滕本魯屬且周同姓也

宋人執小邾子

按并前子爵共三邾与小邾本同姓則邾二滕一也宋二晉一不名二名一又春王月一也名不名與執歸同

楚人執徐子

按會而後執與晉侯執曹伯無異所以儕晉於楚也并前執共六與執歸相信半也而晉三宋二楚一又相差也其子四亦與公伯相信半也

己酉邾人執鄫子用之

按執用異事也故特書日并前執君共十而書爵止一晉侯餘皆人也凡公侯各一伯二子六而名二皆相信半也

晉人執莒子邾子以歸

按一執二君特筆也并前人執君共十

三月丙午晉侯入曹執曹伯畀宋人

按入而執執而畀皆特筆也故晉侯雖書爵而先係入与執歸
又異凡執曹伯二与鄭伯相倍半也

秋宋公楚子陳侯蔡侯鄭伯許男曹伯會于孟執宋公以伐宋

按執宋公不書主名是同會所共執与同盟主名於晉侯之執
曹伯似異而實則諱楚子之專執也其執伐与鄭同而公之被
執又与虞相似然則宋之不亡亦幸耳并前執居共十三而君
十四公二侯一伯三子八而除名二則六与公侯伯同也

冬十有一月丁酉楚師滅蔡執蔡世子有以歸用之

按執世子脩義也其執用与鄭子同故皆書日

冬十月壬午楚師滅陳執陳公子招放之于越

按執公子亦備義也并上共師滅執二与晉之入執相似亦以
儕晉於楚也故放于越与昇宋人以歸用之文雖不同義亦相
類而因滅加書時月日与入執書月日俱相類也

齊人執單伯

按單伯書行不名内命大夫也

九月宋人執鄭祭仲

按仲猶伯也加書鄭為内外之別皆備義也又加書月則祭仲
為鄭柄臣与單伯異矣命大夫不名二与君名二亦互見

晉人執我行人叔孫婼

按單伯不名為命大夫我行人舉官亦各舉所重以備義也

夏晉人執衛行人石買

秋晉人執宋行人樂祁犁

按晉執行人三內一外二亦書時二不書一也

楚人執鄭行人良霄

楚人執陳行人_千子徵師殺之

按楚執行人二而一殺為異

齊人執衛行人北宮結以侵衛

按齊執行人一與晉楚相次也而加書侵為異凡執行人共六而并殺侵各一與四執相倍半也書時二與不書四亦相倍半也其執侵又與執伐相備故君臣互見也

九月晉人執季孫行父

按行父為內柄臣故執書九月與鄭祭仲同下加書舍之則詳

內事且對意如以歸言也

晉人執季獮意如以歸

按意如之執猶行父也而以歸與舍之異并前執以歸共三而莒邾以二君異世子以滅用異又內大夫執共四而季獮二至自二單伯不名與加書月及書官書行皆一也

齊人執陳袁疇余

晉人執衛甯喜

按執書國族名二齊晉各一皆伯令也

春王三月晉人執宋仲幾于京師

按并國族名共三而加書于京師為異又晉二齊一也其書王月與宋執滕子同滕子書名仲幾書于京師蓋亦君臣互見也

秋七月楚子蔡侯陳侯許男頓子胡子沈子淮夷伐吳執齊慶封殺之

按因伐而執且殺亦特筆也并殺行人共二其執無主名且與執宋公同又與執曹伯相似但入曹本專目晉侯耳并執國族名共四加行人之國族名五而九若更加內族名三則十二也
春齊人執鄭詹

按執書國名特筆也其書時與宋衛行人同蓋互見也又與虞公同故書時共四也凡執名共十七子爵二而世子以下十五也總執共三十而人三十一蓋世子尊與君同若除國名則君臣分也其行人六與君執相倍半也其被執者宋三君一臣二

衛鄭皆四則皆君一臣三曹邾皆二皆君也陳三皆臣也內大夫亦四也而書法無有一同者其虞邾鄫莒徐小邾戎蠻為君齊蔡為臣則各一也

齊人執子叔姬

按此亦特筆異事也并前執共三十一与執男子三十一為盈絀也凡晉人執十三与執君同加晉侯執二為十五則得執之半也餘齊人五楚人三加師二楚亦五也宋人三楚与人又同邾人一与晉侯同若除會孟孟伐吳執不書主名与入曹侯不係執為共執二十八亦晉執十四得半也其不書時十七則書時月日二月日及日各一而書日共四王月二時月一而三并月二

而書月共五時亦五共十四也

刺

乙酉刺公子偃

按官有司刺蓋必訊當其罪而後刑殺加焉乃為情法得中也
內殺書刺諱之若非專殺者然亦即假以正用刑之典也

公子買戍衛不卒戍刺之

按兩公子書刺異詞有罪無罪之別也凡事加書之者皆言之
不順則不能不為語助所請謂文致也用刑之道非當罪即不當
罪故刺止二書而備也

放

蔡人放其大夫公孫獵于吳

按司刺掌三刺又掌三宥故書曰流宥五刑蓋三宥止就凡民言實則推而廣之且兼八議也大夫而放即流宥之一端与出奔異故假以見義

晉放其大夫胥甲父于衛

按并前皆放大夫也而晉止舉國与蔡書人異

冬十月壬午楚師滅陳執陳公子招放之于越

按此与蔡晉放本國大夫異故亦以備義并之而三

殺

天王殺其弟佖夫

按殺與刺異凡書殺皆專殺也然假以見義則五刑皆天討王章不容枉曲故雖王公之貴執法惟平不避貴戚乃為適中而至戚莫如弟子故舉刑殺者亦必自弟子始也但殺之當與不當又別有義耳

秋宋公殺其世子痤

按王之下莫尊於公母弟之外莫親於世子故分見之

春魯侯殺其世子申生

按公之次為侯并王公而三為世子二弟一皆目君亦時二不書時一也

楚子誘戎蠻子殺之

按此六服外國恃強使詐相并之事故殺又兼誘也

夏四月丁巳楚子虔誘蔡侯般殺之于申

按夷鎮之國強詐相殺不足深異誘殺在於列侯則已甚矣故皆書名蓋其致殺亦非無故也凡子殺共二而不同并前王公侯共五

王子札殺召伯毛伯

按王子專殺恃權貴也而駢殺二伯為異

春陳侯之弟招殺陳世子偃師

按王殺弟而專殺有王子公侯殺世子而專殺亦有侯弟皆互見也若其所殺者為世子又并公侯而三且皆書時析之則春

二秋一也

楚公子棄疾殺公子比

按此本爭國相殺而公子与王子侯弟亦參互而三若以公子殺公子又与殺二卿及世子加書陳文亦互見也又不書時二書時一也

夏四月庚辰蔡公孫姓帥師滅沈以沈子嘉歸殺之

按此又公孫殺也而滅國殺君為甚耳与凡殺異故獨加書時月日并王子侯弟公子而四也又并誘殺二而君書殺之者三也冬晉里克殺其君之子異齊

按國族名專殺本与王子侯弟互見以皆柄臣也而殺君之子

又與殺世子召毛互見自王子以下專名殺亦五并君殺而十也

九月齊人取子糾殺之

按子糾猶子與齊也殺不書主名又不書君之子則殺為國人
所同欲矣故書九月與殺州吁同特以書子王殺君之名且加
書取以病魯耳

陳人殺其公子御寇

按此本與侯弟殺世子相似而書法互異因時見義也

宋人殺其大夫

按大夫國之股肱耳目也大夫不書主名義不係乎名也

宋人殺其大夫司馬

按司馬為大夫之責職殺之是父君體也故殺大夫為統詞加書司馬又專詞也

陳人殺其大夫公子過

按殺有大夫有公子有大夫公子不可不辨也并前人殺公子二晉人殺其大夫先都

按異姓大夫書族名所以別於公子公孫也

晉人殺其大夫士穀及箕鄭父

按此又以殺及為異并前人殺大夫共五

楚人執陳行人干徵師殺之

按行人舉官與司馬相因而執殺又與取殺相似惟楚陳異國

為異耳

春齊人殺無知

按此人殺以止書名為異

九月衛人殺州吁于濮

按此亦止書名也而加書于濮為異而于濮又并于申而二也

蔡人殺陳佗

按佗止書名本与州吁無知同而加書國為異則以人殺非本

國也蓋佗殺太子殊於弑君故書法亦異也

冬十月楚人殺陳夏徵舒

按佗之篡位与州吁無知同而弑君異徵舒之弑君与州吁無

知同而非篡異其与他皆為異國人殺同而蔡楚又異故詳書國族名為不書官爵者所獨也其書時月亦与或月或時或不書各異也若并干微師為陳之被殺共三又楚二蔡一也

晉人殺欒盈

鄭人殺良宵

按人殺共十二惟此二殺同蓋盈宵之出亦与他相似惟入國被殺為異也若并取執二殺則人殺共十四也

宋殺其大夫

曹殺其大夫

按國殺大夫不詳所殺二并前人殺大夫不書主名而三宋二曹一也若并加書司馬而四則人殺國殺各二也更并戎蠻召毛書爵不名二則被殺不名者共六也

晉殺其大夫里克

春晉殺其大夫丕鄭父

晉殺其大夫陽處父

冬晉殺其大夫先穀

春王正月晉殺其大夫晉童

晉

按晉殺大夫舉國書族名共五與晉之人殺相倍半也并之而

七

齊殺其大夫國左

齊殺其大夫高厚

按齊殺大夫共二與晉殺相倍半也

春衛殺其大夫孔達

衛殺其大夫甯喜

按衛殺大夫與齊同

陳殺其大夫泄冶

按陳殺大夫一并陳之人殺共三則人殺与大夫与公子皆二也而書法谷異矣至晉齊衛陳皆侯爵而殺大夫書族名舉國則齊衛陳三國与晉分也并之共十

鄭殺其大夫申侯

按鄭殺大夫与陳同實与曹殺大夫不書族名同其爵同也

楚殺其大夫屈申

楚殺其大夫成熊

楚殺其大夫邵宛

按楚亦書殺大夫其國之大夫也故有族名則亦書族名矣其殺共三蓋与晉齊相信半也凡殺大夫舉國書族名共十四与人殺同

蔡殺其大夫公子燮

蔡殺其大夫公子駟

按蔡殺大夫公子名共二與齊衛殺大夫之族名皆同又與陳之人殺大夫公子相倍半也蔡亦侯爵與晉齊衛陳共五國并之而侯之舉國殺大夫共十二也

鄭殺其大夫公子嘉

按此與蔡殺相倍半也

楚殺其大夫公子側

楚殺其大夫公子申

楚殺其大夫公子壬夫

楚殺其大夫公子追舒

按此亦與蔡殺相倍半也蔡鄭公子之殺皆由於楚故亦相從為類并之而國殺大夫公子共七與殺大夫書族名者其國數

人數皆相倍半也若并楚殺大夫之族名公子名亦七也

秋鄭殺其大夫公孫黑

按殺大夫公孫名猶公子也蓋亦以備義凡鄭殺大夫共三族名公子名公孫名各一也若并人殺不書大夫則鄭殺共四也冬莒殺其公子意恢

按莒殺公子不書大夫特筆也蓋以別於楚之書大夫也文與陳人殺公子相似而又不同并之而二皆以備義

宋殺其大夫山

按宋殺大夫止書名一并殺大夫不書名共二若并人殺大夫及公殺世子則宋殺共五也

楚殺其大夫得臣

楚殺其大夫宜申

按楚殺大夫止書名二與宋相倍半也并之而三并前楚殺共九加子及公子及人共十三

秋衛殺其大夫元咺及公子瑕

按此亦國殺大夫書族名也而加及公子為異并前衛殺共三加人殺而四也

陳殺其大夫慶虎及慶寅

按此亦國殺大夫書族名也而加及同族為異并前晉人殺書及共三本皆殺大夫書族名也而所及則有公子同族異族之異其并前陳殺共二加侯弟及人共五

夏蔡殺其大夫公孫姓公孫霍

按此與鄭殺大夫公孫周而二公孫為異并前蔡殺大夫公子共三加公孫及人共五也

晉殺其大夫趙同趙括

按一族殺二大夫與二公孫互見又與及同族相似并前及公子及異族凡殺大夫二人者共五

晉殺其大夫卻錡卻犇卻至

按一殺三大夫且同族特筆也并前慶趙一殺同族共三而三人為異并前晉殺共七加侯及族名及人共十一也若并前國殺共三十三并前殺大夫共三十七除大夫不書人者四亦三

十三也而大夫名加重則人共四十也再析之又族名二十五公子名九公孫名与止書名者各三并之共十五皆三五之數也凡總前殺書國者共五十五加天王王子則五十七也

春王二月庚戌盜殺蔡侯申

按小人有勇而無義為盜顧名思義者皆所不為也而能殺人君亦志變也并前殺君書名共三蔡侯二沈子一也并戎蠻子而四再加召毛則內伯外侯子各二而名不名皆三也

秋盜殺衛侯之兄縶

按侯兄則尊与君同矣亦文法与君之子相似皆以備義

冬盜殺鄭公子騂公子發公孫輒

按一殺三人与晉殺三卻同而公子二公孫一与三人同族異
并前殺公子共十二公孫共四公孫視公子猶三之一也

盜殺陳夏區夫

按并前盜殺共四總前共六十一也

秋七月楚子蔡侯陳侯許男頓子胡子沈子淮夷伐吳執齊慶封
殺之

按此殺分名於諸侯特筆也其伐執与滅以歸相似并前執殺
共二而殺之共六誘執各二滅取各一亦子爵二侯爵一族名
二子名一也又爵則名二不名一子為未成君行人舉官皆相
倍半也

冬十月壬午楚師滅陳執陳公子招放之于越殺陳孔與

按此師滅殺與蔡滅沈殺沈子相類而又不同以師亦無主名也并前殺書國族名共三皆陳也又夏二孔一也若加齊慶封執殺而四再加行人于徵師而五亦陳也更加陳佗而六則國名也凡殺書國者共十二加戎蠻而十三也總殺共六十三除不書名者六則書名者五十七也凡被殺書名者共六十六加不書名者七為七十三也七十三者蓋秋金致殺一令之全數也除既秋猶伏不及十日則殺令所行納約為六十三不過六十六也其書時月日二則兩殺蔡侯也又時月二月二并時十四共二十也不書時者四十共六十也若其滅國書時月日二伐

書時月一皆義係滅伐故文亦不專於殺也

弑

冬十月丁未楚世子商臣弑其君駢

夏四月蔡世子般弑其君

夏五月戊辰許世子止弑其君買

按弑本与殺相似而義不可同者則亂逆之別也然天有日月
薄蝕冬雷夏霜地有山崩地震故生物亦有梟獍鸇鷃之屬蓋
戾氣所致品類由之而不善之積在人者必亦反本於其子乃
為至極矣世子弑君共三皆作惡從逆之明驗也而時月日二

時月一

齊公子商人弑其君舍

夏六月乙酉鄭公子歸生弑其君夷

夏四月楚公子比自晉歸于楚弑其君虔于乾谿

按公子貴戚也其弑君有二端嗣君無威則易篡國商人是也
太阿在手則忍蔑君歸生是也若比以羈人爭位則徒被虛名
而已故其書法亦異公子弑君共三惟歸生詳時月日与商臣
同主弑者也止弑有二日蓋非其倫矣般与比雖志於弑而亂
端實由於固与虔蓋其不君致弑有不待於般与比者故皆不
日若舍本未成君其弑尤易故略也

秋九月乙丑晉趙盾弑其君夷臯

夏五月乙亥齊崔杼弑其君光

春王二月辛卯衛甯喜弑其君剽

按國族名詳時月日弑君三皆柄臣也而甯喜書王二月則尤有二君也

癸巳陳夏徵舒弑其君平國

按徵舒非柄臣故不詳時月志弑故日

晉里克弑其君

齊陳乞弑其君荼

按卓荼与舍同故書法亦同凡國族名弑君共六与公子相倍半也

春王正月戊申宋督弑其君與夷

冬十有一月癸未齊無知弑其君諸兒

秋八月甲午宋萬弑其君捷

按國名弑君詳時月日與國族名同蓋桓莊之時王討雖不行
列國大夫猶以王命為貴故公子公孫未王命猶無族也督蕩
無知皆非柄臣而詳時月日者皆有寵足恃也

戊申衛州吁弑其君完

按國名弑君書日一亦與國族名同并前國名共四蓋國風十
五除二南檜魯邠則邠始柏舟志州吁所由弑君也陳終彼澤
之陂志徵舒所由弑君也王迹息而詩亡二弑實與風詩相終
始也

冬十有一月宋人殺其君杵臼 夏五月戊戌齊人弑其君商人
十有一月莒人弑其君密州

按人弑三与公子同其書時月日亦幾相似止書月惟莒人也
庚申晉弑其君州蒲

按此國弑書日并前弑書日共三

夏四月吳弑其君僚

按并前弑書時月者共四而夏四月三也

莒弑其君庶其

薛弑其君比

按并前弑不書時共五皆略也蓋亦以脩義并前國弑共四而
弑君共二十三也

閏弑吳子餘祭

按弑不書君一并沈子嘉蔡侯申而三皆君也而子二侯一殺
二弑一時月日二不書一皆互見也并前弑共二十四而書時
月日十占時月四月一相倍半也日三与不書時六相倍半也
蓋不書者六又為書月以上四分之一也

用

己酉邾人執鄆子用之

冬十有一月丁酉楚師滅蔡執蔡世子有以歸用之

按凡事非禮不行而行禮者必假物以將意故謂之用物莫重
於生而豈有用人者乎書執用二惡虐人如畜也

用牲于社莊二十五

用牲于社于門

用牲于社莊三十

用牲于社文十五

按禮以稱情非特人不可用即牲幣之類輕重大小尊卑皆有常制不容混也故因用附見亦以脩義也凡用牲共四而于社四于門一共于五也

戊寅大夫宗婦覲用幣

按用幣一并用牲而五也幣輕於牲故止一書

九月辛丑用郊

按郊者祀上帝之禮也書用郊則本不行之於郊但用其禮而已亦以脩義

秋七月禘于大廟用致夫人

按此用禘以致夫人亦特用大禮以示非常也郊以祀上帝禘以祀其先皆王者吉禮之大者故皆以備義

春用田賦

按田為農業止有十一之稅用田取賦名實不相應也因用附見亦以備義總用共十

獲

十有一月壬戌晉侯及秦伯戰于韓獲晉侯

按獲者俘也如田之獲禽也此君主戰而為君所獲者也

鄭人侵蔡獲蔡公子燮

按此為公子被獲而主兵則在鄭也

春王二月壬子宋華元帥師及鄭公子歸生帥師戰于大棘宋師敗績獲宋華元

按此主戰在宋被獲與晉侯同而有君臣之別其書族名與公子名相似而侵戰亦異

甲戌齊國書帥師及吳戰于艾陵齊師敗績獲齊國書

按齊國書猶宋華元也而吳舉止國為異并前共三戰而獲臣二獲君一其書時月日之詳略亦各不同也

戊辰吳敗頓胡沈蔡陳許之師于雞父胡子髡沈子逞滅獲陳夏

按一敗而三國滅獲特筆大變也蓋滅本亦獲也止以君死不復獻俘即禮而歸之故書兵死耳二君滅与晉侯獲互見并之而三子二侯一又死二生一也陳夏徵舒与齊國書同皆死獲也并宋華元共獲國族名三亦死二生一也書目与艾陵戰同皆為吳敗也

冬十月壬午公子友帥師敗莒師于郚獲莒挐

按此內敗獲也并吳敗獲共二則僑友獲於吳也獲書國名一并書族与公子之名共五加晉侯不名而六則國族名与侯爵公子國名分也若加胡沈二君則君三臣五共八而生死各四也其君三為名二不名一而死四為君臣各二生四又君一臣

三也且總獲共六又戰三敗二侵一也書時月日与大棘戰同則皆大夫專兵也

春西狩獲麟

按此亦特筆異事因附見也蓋獲本因狩得獸名而麟又神靈之獸故亦書獲并人而七也

使與師皆用也必皆有主焉立之體而後可以致用也若其為用之不同蓋又勢之所由分也是故使也者玉帛之事主於合好賓禮也帥也者兵戎之事主於敵愾軍禮也天地之大陰陽之本和則相生戾則相剋使與帥其極致歟然而使有如師如會帥有師城師救則兵戈或轉而徂豈安平冀得於憂患其遷流之無定至於不可勝窮似亦勢運之常然而要其握之樞而成於動者又寧得漫而委之於命也哉辛酉仲秋既望越七日丁卯賡有可書於合肥縣署

春秋使帥義

莊有可撰

使

冬天王使宰周公來聘

夏天王使宰渠伯糾來聘

秋七月天王使宰咺來歸惠公仲子之冢

按有使者即有受使者使者惟君而受使者為臣君逸而臣勞也使臣以禮君之道也東西南北惟命之從臣之職也宰者王之正使也天下無不受治焉故以三使備義也而品皆周皆渠皆伯皆爵糾咺皆名又以詳略互見也其來聘二來歸一時二時月一亦猶是也

冬天王使凡伯來聘

天王使毛伯來錫公命

按天王使伯二并渠伯而三又不名二名一且黜宰一也又來聘二來錫命一時二不書時一也

天王使家父來聘

春二月天王使家父來求車

按父者一家之尊以君臨之則父亦臣也君道一臣道二致使父亦二也而聘求車亦不同

秋天王使王季子來聘

天王使任叔之子來聘

按使子蓋猶使父故亦二也而有不同者書之與不書之之別也且叔季有次第焉王與任又有尊卑焉雖均之來聘不可不辨也并使父而四然家父重而子不同則亦父一子二也

春天王使南季來聘

按南季猶仍叔也而季又并王季子而二以不書子為異蓋并上二聘亦以王一族二叔一季二不書子一与子二成文也

天王使叔服來會葬

按叔本行也而此加書名則叔為族矣行而兼族猶王官伯之以爵而兼行也故伯不論爵叔不論族而純以行計則伯三而叔李皆二也而服之名又与糾同

天王使石尚來歸振

按石尚族名猶叔服也而不同者叔為行名也并宰嚭以官名而三加宰渠伯糾則官与邑行族爵名無不備矣渠為邑亦族也伯為爵亦行也凡天王使共十二則天數也而來聘七來歸

二來錫命會葬求車各一也名四不名八也時月二時五不書時亦五也

秋七月天子使召伯來賜公命

按天子使亦猶天王使也而必書子者天道本止十二而有氣盈則十三也其召伯則并渠凡毛之伯而四也其時月并前共三則秋二春一也

王使榮叔來錫桓公命

王使召伯來會葬

按天王也天子也王也稱雖不同其實一也然析言之則天有天道王有王之道王者繼天而事之又有為子之道不容混也故來命三而天王天子与王各一即命已有三義也其使則

伯五而召伯重蓋惟渠伯以宰名加詳餘則天王同而凡毛異
召伯同而天子与王又異也并前共使來十五而聘七得半也
其來歸來會葬皆二也來錫命亦二而公与諸公異且并來賜
命而三又加來求車一則并二四為八又各不同也凡書時月
三時五不書時七則以三五七為次也餘詳下

春王正月王使榮叔歸舍且冒

按使事皆來也而此不書來者來之中有歸道焉故前已書來
歸也歸而至於三則不可復云來矣王使不書天者三猶使宰
也王固代天主使者也故不書天者所以專其責於王也王使
三并天王使十二為十五而此之使歸獨書春王正月使來不

可踰十五也榮叔二皆王使也并任叔而三相倍半也加叔服而四而任叔以子書叔服以族書皆虛數也榮叔之重又与家父召伯同而三也其歸冒并宰亦二而舍特也并前使共十六析之則天使十三王使十五子使一也使來十五而使歸一其大率也其書春王正月一并時月三而四再并時而九蓋王正一時月三時五不書時七又總王正時月與時為九則一三五七九也

夏宋公使公孫壽來納幣

按公使公孫猶王使王子也而与王季子異且与叔之子相似其公孫而名又与叔服相似

春宋公使華元來聘

宋公使華元來聘

春宋公使向戌來聘

夏宋公使華定來聘

按華向皆族名猶石尚也共四并公孫而五皆公使皆來也蓋得王使三分之一并王使十五為二十則王公共使又得總使三分之一也加天子使一為二十一若除使不書來一仍二十也二十一亦三分之一也

冬衛侯使公孫剽來聘

衛侯使甯俞來聘

春衛侯使孫良夫來盟

衛侯使孫良夫來聘

冬衛侯使孫林父來聘

按衛侯使五皆與宋公同其公孫名一族名四同也族名之孫

三甯一与華三向一同且良夫之二亦与元二同惟盟与納幣互見其聘四來五皆同也

春陳侯使女叔來聘

按女叔以族書行不名五等爵使之特筆也并王使任叔榮叔而四加叔服而五与使伯同其榮叔二与名一亦与伯同也

陳侯使袁僑如會

按如會亦來於會也然其義則与來相及矣故陳侯之使与諸使微異惟其止二使也蓋并衛使五而七得王使之半也

齊侯使其弟年來聘

冬齊侯使其弟年來聘

按使弟与王使王季子相似而書名非命卿也亦与公孫名相似

齊侯使國歸父來聘

齊侯使國左來聘

春齊侯使慶封來聘

齊侯使高張來唁公

按使來族名四与第名相倍半也

秋七月齊侯使國左如師

按此与陳使如共二并王使歸而三皆不書來相倍半也共齊使七与衛陳并數分也故聘五來六如一亦与衛陳并數同而國高族名人數又与華向孫甯同若并衛陳使為十四除陳則十二与天王使同

冬十有一月晉侯使郇廣來聘 春晉侯使韓穿來言汶陽之田

晉侯使士燮來聘

晉侯使卻犇來聘

晉侯使卻錡來乞師

晉侯使欒黶來乞師

晉侯使郇繇來乞師

晉侯使士匄來聘成

晉侯使士魴來乞師

晉侯使士匄來聘襄

晉侯使郇繇來聘

夏晉侯使士魴來聘

夏晉侯使郇吳來聘

晉侯使士鞅來聘

春晉侯使韓起來聘

夏晉侯使士鞅來聘

晉侯使郇躒唁公子乾侯

按晉使皆族名而族則士七郇五韓卻皆二辭一也名則鞅

匄魴皆二而匄使尤重書也族名而書者四与一書者相倍

半而實分也使數共十七并宋衛齊之數也不兼陳者陳止二

使蓋又與曹鄴類也除使唁一不書來其使來共十六也若除士勾聘丈如重出一則晉使亦共十六與天使并王使同也其士鞅亦重聘而一書時一不書時止與華元同也其邲營士魋亦皆重來而一乞師一聘猶與孫良夫同且與冢父及國左相似冢父不書名國左一使如也凡并天王天子公侯使共五十二若除陳使二則五十也

冬曹伯使其世子射姑來朝

按曹使止一書亦以特筆備義也故王書季子伯書世子互見也季子加書王而世子書名貴賤之別也而朝聘各異則又君臣適庶之辨也并叔之子而三而不名二名一聘二朝一與加

書王加書之加書其各一皆同也

夏鄭伯使其弟語來盟

按伯使弟一與侯使弟并而三亦聘二盟一也凡使來盟三而侯伯各一

夏鄭伯使公子發來聘

按公子與王季子叔之子相似而實猶公孫也故并公孫而三

為公孫二公子一亦聘二納幣一也而又公侯伯各一使焉

三月鄭伯使宛來歸郕

按名不書族蓋伯爵微也故非弟非公子則不敢以族通賤也
凡鄭使三而各不同且并陳使二曹使一亦各不同也凡使來歸王
天王二伯一其二為喪祭大禮一則重地亦不同也

秦伯使術來聘

按秦止一使而名不書族與宛同凡伯使并魯鄭共五與公使同而皆不書族為異并前使共五十七也

吳子使札來聘

按魯秦吳皆止一使而伯二子一名不書族二書世子一又聘二朝一也

春王正月楚子使蔣罷來聘

按子爵卑於伯而楚使書族名且為罷又加王正春秋聘使之所絕無僅有也而實與王使蔡叔同惟叔不名而罷名以為志且辨也凡使書族名者共三十四而魯使十七皆以族名得半若加渠糾為三十五或并除叔服則止三十三又與除士句重

分也其宰以官名世子与弟公子公孫皆以屬名共八若九蓋又与十七相倍半也

冬楚子使紫來聘

按聘使名不書族与秦吳同而子二伯一也凡子使共三楚二吳皆聘也而名二侯名一凡君使書爵者除天子共五十九天子非爵也加天子而六十也而天王天子与王書法有三若公則止宋一國也子有吳楚二國也伯為曹鄭秦五國也侯則齊衛陳晉四國也其數又相次也若使聘共三十七則得諸使十分之六也

楚人使宜申來獻捷

按名不書族并宛術札紫共五与官屬名相倍半也而楚獨書人使亦特筆也人者君臣同稱六服外略之之詞其有來中國者

則亦其使人也且詳書其名者雖不書族猶能與以名通也蓋
惟王之道能承天而行故上与天同而為天之子若六服外之
國禮教粗略徒知以血氣爭雄故統以人稱之聊以下別於獸
云爾此楚人之一不書爵與天子之殊稱相似而實不同也并
伯子之使名不書族共五并凡使名共四十八而并使共六十
一也

夏六月季姬及鄫子遇于防使鄫子來朝

按君使臣父使子正也以及於兄使弟之屬皆為倫之指而推要
之一統於君使也乃又有季姬使鄫子者探本而言陰陽有消
長事理有變遷如楚使書族名加王正均為情勢之所必至也

故特華詳書之此子本爵也而并前使子四為五与伯同猶公
孫二加族孫三為五与叔同統使計之宰与弟皆三父与季皆
二伯叔子孫皆五并名不書族五共三十五与族名三十五分
也而總使實止六十二以孫三叔一皆族渠糾亦兼族名
与季子叔之子皆重計而糾兼宰且三出也除如二歸一唁一
使不書來則使來共五十八也若除重十一則人數共五十也
使之所重者來也而亦有不來者惟王一侯三王為主於內侯
為衛於外容有他使不來者耳凡使不名者共十四而外爵惟
鄭子并內爵公一伯五而爵七除糾名一則六也其書王正二
時月六月一時二十五不書時者二十八也時月則秋七獨三

與餘月分也時又秋一而冬七夏八春九也王正亦時月也并
秋七月而五再并他時月而八也月止一書與秋同并時月而
七加王正而九其數又與冬夏春相同時較不書者不足於三
若并月與王正時月則又餘六蓋以三六相倍半為盈不足之
數也使不書日其道無成而代終陰事也

帥

夏公子慶父帥師伐於餘丘 秋公子遂帥師伐邾

冬十月壬午公子友帥師敗莒師于郕

乙巳公子遂帥師入杞

按君使臣長帥屬此尊卑之別故使止一人而帥必帥也且使

之者止一君而帥之者或不止一人并不止一國也帥亦必由於使而不更言使者不為詞費也使不及魯帥不及周亦義之所莫贊也內公子帥四而伐二敗八各一責威莫公子若也其名又遂二慶父友各一也

公孫歸父帥師伐邾

冬十有二月公遜茲帥師會齊人宋人衛人鄭人許人曹人侵陳公孫教帥師及諸侯之大夫救徐

六月癸酉季孫行父臧孫許叔孫僑如公孫嬰齊帥師會晉郤克衛孫良夫曹公子首及齊侯戰于鞌

按內公孫帥亦四與公子同而惟伐一為專事其會侵一及救

一固不止一國吳又會及戰一蓋兼侵救之會及也而帥師又
不止公孫皆與公子不同也則公孫之帥除侵救戰并公子而
五也其不書時二與公子時二互異而同若時月日一日一與
月日一時月一亦互備也

叔彭生帥師伐邾叔下展仲

仲孫速帥師伐邾

冬仲孫何忌帥師伐邾元

冬仲孫何忌帥師伐邾六

按內一族名帥四亦與公子公孫同皆伐也皆邾也而仲孫旗
三何忌名冬時重出與魯使士句聘同其一卿伐并公子公孫
共七除重并六若除於餘五則伐邾亦六而公子公孫叔仲各
一與仲孫三今也除重則又公子仲孫各二公孫叔仲一也

秋七月季孫意如叔弓仲孫纘帥師伐莒

春王二月季孫斯叔孫州仇仲孫何忌帥師伐邾

按內三族名帥伐二与一族名帥伐相倍半也并公子二公孫一伐共九公子公孫伐本相倍半也族名伐共六又与公子公孫相倍半也

秋叔孫僑如帥師圍棘

春叔弓帥師圍費

按內一族名帥圍二亦与一族名帥伐相倍半也

季孫斯仲孫何忌帥師圍郕

叔孫州仇仲孫何忌帥師圍郕

秋叔孫州仇仲孫何忌帥師圍郕

叔孫州仇仲孫何忌帥師圍邾

按內二族名帥圍四本与一族名帥圍相倍半實与三族名帥

伐相倍半且与公子公孫之帥皆同也凡族名圍共六仍与族名伐同若加公子公孫之伐則圍得三分之二也

仲孫羯帥師侵齊

秋仲孫蔑叔孫僖如帥師侵宋

季孫斯仲孫何忌帥師侵衛

按一族名帥侵一二族名帥侵二相倍半也并之又与帥圍相倍半也而族名侵實与族名伐相倍半也并會侵而四亦半伐也

季孫行父帥師城諸及防

季孫宿叔孫豹帥師城成郭

季孫斯叔孫州仇帥師城啓陽

按帥城三与帥侵同蓋本侵与伐相倍半城与圍相倍半也

季孫宿帥師救台

八月叔孫豹帥師救晉

按族名帥救二與公孫及救相倍半也并之而三與帥城同

戊辰叔弓帥師敗莒師于蚡泉

按族名帥敗一與公子敗同并之而二

叔孫州仇帥師墮郕

季孫斯仲孫何忌帥師墮費

按帥墮二一族名與兩族名各一與帥敗二相似皆與帥侵相倍半也

叔弓帥師疆郕田

按帥疆止一書特筆也而於族名帥則救二敗一墮二疆一皆相倍半也凡內大夫族名帥共二十四而一人帥十三二人帥九三人帥二若并帥戰其四人而有一公孫為二十五則四人

帥除公孫而三与三人二帥之六相倍半也并之而九与二人九帥之十八相倍半也并之而二十七与一人帥之十三亦相倍半也再并其人而析之則叔四与公子同叔仲一与公孫專伐同仲孫十三与一族名帥同叔孫十一与二三族名帥數同季孫十臧孫一蓋并之仍与叔孫數同共四十也又於公子公孫之數合則五之分則十之也

縣侯帥師入極

按名不書族帥入一与公子帥入同并之而二并凡公子公孫族名專帥共十九也

秋鞏帥師會宋公陳侯蔡人衛人伐鄭

夏聲帥師會齊人鄭人伐宋

按名不書族帥會伐二與帥入相倍半也又與公孫帥會分也
又并帥及共五也凡內帥師三十五除會四及一不專己國之
事則三十也其人數五十一除重則二十三又與帥師相倍半
也共書時月日一月日一日二時月三月一時十不書時者十
七與時以上分也

宋樂髡帥師伐曹

宋向巢帥師伐曹

宋向巢帥師伐鄭

按宋族名帥伐三而向巢二樂髡一曹二鄭一俱相倍半也

春宋皇瑗帥師侵鄭

按宋族名帥侵一并伐而四蓋猶內伐十一而侵四侵皆得伐

四分之一也

宋皇瑗帥師取鄭師于雍丘

按宋族名帥取一与侵同

春王二月壬子宋華元帥師及鄭公子歸生帥師戰于大棘

按宋族名帥及戰一并侵取而三与伐分也凡宋族名帥共六

蓋於內帥為六分之一或且^五分之一也其瑗二元一与向樂同

晉陽處父帥師伐楚

晉卻缺^缺帥師伐蔡

晉鄆林父帥師伐陳

晉欒書帥師伐鄭

夏晉韓厥帥師伐鄭

冬晉郤吳帥師伐許

秋晉郤吳帥師伐鮮虞

晉趙鞅帥師伐衛

晉趙鞅帥師伐鮮虞

按晉族名帥伐九與內伐除會伐同若除楚蔡二伐而七又與內一人伐同伐楚以救江伐蔡入蔡與凡伐異也其郤吳趙鞅各二亦與餘族名分也

冬晉趙穿帥師侵崇

晉欒書帥師侵蔡

晉士匄帥師侵齊

晉士鞅帥師侵鄭

晉魏曼多帥師侵衛哀

晉趙鞅帥師侵齊

晉魏曼多帥師侵衛哀

按晉族名帥侵七蓋與內侵相倍半也而除句未侵而還曼多

文同似重若六若五猶相倍半也又曼多之侵与何忌之伐重

出文同故晉侵又与内一人伐同也

晉趙盾帥師救陳

晉卻缺帥師救鄭

晉欒書帥師救鄭

按晉族名帥救三於伐為三分之一於侵相倍半也

冬晉士鞅帥師圍鮮虞

晉趙鞅帥師圍衛

按晉族名帥圍二与内一人帥圍同二人帥圍相倍半也

晉趙鞅帥師納衛世子蒧于戚

八月晉郤吳帥師滅陸渾之戎

晉郤吳帥師敗狄于大鹵

按晉族名帥納滅敗各一而納為定君滅敗在我狄伯者之事也其帥敗與內相倍率而不同

夏六月乙卯晉師林父帥師及楚子戰于邲

秋八月甲戌晉趙鞅帥師及鄭罕達帥師戰于鐵

按晉族名帥及戰二而君臣異又鐵與大棘同邲與鞏相似而不同也凡晉族名帥共二十六

晉士鞅衛孔圉帥師伐鮮虞

按此亦晉族名帥伐也而兼二國二族名為異并晉之一國帥伐而十并晉帥為二十七也

齊崔杼帥師伐莒

秋齊高陞帥師伐莒

齊高厚帥師伐我北鄙

春齊崔杼帥師伐我北鄙

齊國夏帥師伐我西鄙

夏齊國夏帥師伐我西鄙

春齊國書帥師伐我

按齊族名帥伐七我与莒相倍半也莒又与我鄙相倍半也鄙則西北各二与莒同也除莒而我共五也

春齊高偃帥師納北燕伯于陽

按納与晉同而伯世子微異實皆納君也特以名不名為已成君未成君之別耳

甲戌齊國書帥師及吳戰于艾陵

按及戰与晉之郊同而吳不書爵与楚異凡齊族名帥共九蓋

於晉三分之一也

春齊國夏衛石曼姑帥師圍戚

按此帥國一兼二國族名與晉伐鮮虞同并齊帥而十與伐我
相率也

春衛侯之弟黑背帥師侵鄭

按侯弟帥猶公子帥也而止於衛書侵蓋亦以特筆備義

春衛北宮括帥師侵鄭

按北宮雖族實夫人氏之稱也故亦以一侵備義

衛孫良夫帥師侵宋

按孫亦族也而兼屬戚猶內大夫以叔父也凡衛帥侵三鄭二

宋一相倍半也

夏衛孫林父帥師伐齊

衛公孟彊帥師伐曹定十二

衛公孟彊帥師伐曹定十三

按公孟雖族亦言公兄也故与侯之弟文義正同且相倍半也其重文与何忌同皆伐也而仲孫与公孟又皆公族也并魏曼多之侵而重文三伐二侵一公族二異族一不書時二時一亦無不相倍半也

夏衛石買帥師伐曹

按衛惟石買族名与宋齊晉同實則孫与北宮公孟皆族也故衛帥侵三伐四共七除重而六与内一人伐同且与晉侵同也

夏四月丙戌衛孫良夫帥師及齊師戰于新築

按此師及戰于邲艾陵同而齊舉師中國大侯也楚斥將吳并止書國有中外尊卑之辨焉共帥及君戰三凡衛帥共八

晉士鞅衛孔圉帥師伐鮮虞

按已詳晉帥此重出也并前帥伐而五

春齊國夏衛石曼姑帥師圍戚

按已詳齊帥亦重出也蓋衛猶魯也衛之而帥惟齊晉是從則魯可知矣并前而衛帥共十帥伐居半也其族名三石二孔一也

夏四月庚辰蔡公孫姓帥師滅沈

按蔡公孫名帥滅一特筆也

二月辛巳楚公子結陳公孫佗人帥師滅頓

按陳公孫名帥滅一與蔡同而兼二國同帥為異凡晉齊衛蔡陳共五國帥四十七而名五十也若加楚公子結則名五十一

與內大夫名同

鄭公子去疾帥師伐許

鄭公子喜帥師伐許

冬鄭公孫夏帥師伐陳

鄭罕達帥師伐宋

按鄭帥伐四而公子二公孫一族一與許二陳宋各一同也

鄭公子喜帥師侵宋

鄭公孫舍之帥師侵宋

按鄭帥侵二與伐相倍半也

六月壬子鄭公孫舍之帥師入陳

按外帥入亦特筆并內入而三相倍半也而鄭之帥入又与伐
侵遞相倍半也

春王正月癸亥鄭游速帥師滅許

按帥滅与蔡同并之而二

冬鄭駟弘帥師救曹

按帥救与入滅同加伐侵共九而公子公孫与族皆三亦宋許
皆三陳二曹一也

春鄭罕達帥師取宋師于岳

按鄭取宋師与宋取鄭師同并內敗師二衛及師戰一而五若

加及帥師戰二而七皆師與師之事也

春王二月壬子宋華元帥師及鄭公子歸生帥師戰于大棘

按已詳宋帥重出也凡鄭公子帥并前共四

秋八月甲戌晉趙鞅帥師及鄭_平聃達帥師戰于鐵

按已詳晉帥亦重出凡鄭族帥并前共五凡及戰帥師者共六而帥師及帥師戰止二皆鄭事也其一為宋鄭及戰則又并取師而三也凡鄭帥共十二

楚公子貞鄭公孫輒帥師伐宋

按此二國同帥也并前二國帥共四其晉齊楚三大國則楚二晉齊各一也其衛陳鄭三國則衛二陳鄭各一也其八人則公

子二公孫二士國孔石各一族也其事則伐二圍滅各一也凡鄭公孫帥并前亦四并前而鄭帥共十三蓋倍宋帥而半晉帥也

楚公子嬰齊帥師伐鄭

秋楚公子嬰齊帥師伐鄭

楚公子嬰齊帥師伐莒

春楚公子嬰齊帥師伐吳

楚公子貞帥師伐陳

冬楚公子貞帥師伐鄭

秋楚公子貞帥師伐吳

楚公子午帥師伐鄭

冬楚公子結帥師伐陳

楚公子申帥師伐陳

楚薳罷帥師伐吳

按楚帥伐十一族一而公子十也其嬰齊貞各四結申各一也

惟楚帥伐与内同且獨多也并前一人帥伐共四十五

秋楚公子壬夫帥師侵宋 冬楚公子貞帥師侵宋

按帥侵二与鄭同并前一國帥侵共十八加會侵乃十九也

楚公子貞帥師圍陳 楚公子棄疾帥師圍蔡

按帥圍亦二与晉同并内外帥圍共十加二國圍乃十一也

楚公子貞帥師救鄭

按帥救一与鄭同并内外帥救共七加及救而八也

楚屈建帥師滅舒鳩

按族名帥与薦罷同并之而二其救滅各一与侵圍皆相倍半也其滅舒与晉滅戎相似并一國滅共四凡楚帥共十七

二月辛巳楚公子結陳公孫佗人帥師滅頓

按已詳陳帥重出也并一國帥滅共五

楚公子貞鄭公孫轅帥師伐宋

按已詳鄭帥亦重出也并前帥伐共十二并楚帥共十九而楚公子帥共十七也總帥師共百一十八蓋与使來相倍半也使來五十八而帥師餘二者以四帥師戰本止二戰也凡内外帥伐共五十一并戰六為五十九而帥之數得半矣五十一者内大夫書名共數也外大夫名共八十七倍使來名四十四也四十四者使來除宰二書名人數也宰尊伯亦尊雖名猶尊不可併諸書名者也總名共百三十八除名不書族三弟名一公子

名二十五公孫名十共三十九則族名九十九也若止除弟公
子公孫名三十六不除名不書族則并族名又百二也百二於
百數餘二九十九於百不足於一盈絀之數也蓋百二者又倍
五十一之數也列國人名除重而四十九為七七之數蓋又五
十不足於一也加內名除重二十三為七十二蓋倍列國使名
除重之數若除使而非來郕邾袁僑而加王使叔服石尚亦
同至帥師之所加於宋十伐三侵六又取師一也於鄭十六伐
八侵四救三又取師一也於衛五侵三伐圍各一也蓋與伐我
五同高厚之伐我兼圍台其三伐鄆或猶侵也於陳九伐五侵
救八圍各一也於齊四伐一侵三也於蔡三伐侵圍各一也於

曾六伐五救一也於邾八伐七圍一皆內事也莒六伐四敗二而內居四焉許四伐三滅一也莒與曾許與齊皆相似而不同伐吳三侵棠伐楚救晉并滅沈滅頓滅舒鳩滅陸渾之戎救徐敗狄圍戚各一也惟鮮虞四伐三圍一也又圍棘圍費圍運各一而圍郕二又救台墮費墮郕入杞入極伐於餘丘各一皆內事也并之共百四除取師二不主於都國亦百二也又戰六城三納二疆一共十二若并取師二則十四也故帥師雖百十八而事止百十六也然城諸之帥師及防則其事又似有百十九者蓋於數或為十七者七而不足於一也其總數人多於帥二十如外二國帥四則八人也內四人帥一三人帥二并之則七

帥共十八人也又內二人九帥亦十八人也并而十八為三十六人而七帥九帥不同又共十六帥也餘一人帥百二則入亦百二矣而有兩帥共戰二計其事則百也若除二戰以一人帥為一事則九十八也九十八者倍四十九之數也故与百二又均於百為盈絀之數也其書王正月日一時月日六并之而七月日三日三時月三月二并為二九也時三十六四九也皆相倍半也而時又秋冬春皆十而夏六也其不書時者六十二与使數同也